

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 232618 23 St
Zenica, 03.06.2024. godine

Općinski sud u Zenici, stečajni sudija Amela Sinanović, u prethodnom postupku za utvrđivanje uvjeta za otvaranje stečajnog postupku nad stečajnim dužnikom Proizvodno-trgovinsko i uslužno društvo „DAR PRIRODE“ d.o.o. Zenica, nakon održanog ročišta za utvrđivanje uvjeta za otvaranje stečajnog postupka održanog dana 22.05.2024. godine u prisustvu likvidatora Tošanović Vitomira i punomoćnika povjerioca Porezna uprava FBiH, Kantonalni porezni ured Zenica, Federalni zavod PIO/MIO, Kantonalna administrativna služba Zenica, Grad Zenica, a u odsustvu uredno obaviještenih povjerilaca MF Banka a.d. Banja Luka i povjerioca JP „VIK“ d.o.o. Zenica, dana 22.05.2024. godine, donio je sljedeće:

R J E Š E N J E

Pozivaju se povjerioci i zainteresirana lica da u roku od 30 dana od dana objavljivanja poziva uplate predujam za obezbijedenje troškova stečajnog postupka u iznosu od 3.000,00 KM, na depozitni račun ovoga suda broj: 134-010-0000044837 otvoren kod ASA Banke d. d. Sarajevo, te da po izvršenoj uplati predujma sudu dostave uplatnicu, kao dokaz da je uplata izvršena.

Ukoliko u ostavljenom roku povjerioci i zainteresirana lica ne uplate predujam sud će po prijedlogu privremenog stečajnog upravnika zaključiti stečajni postupak nad subjektom Proizvodno-trgovinsko i uslužno društvo „DAR PRIRODE“ d.o.o. Zenica, ul. Maršala Tita broj 17, Zenica, matični broj subjekta upisa 43-01-0581-12 (stari broj 1-1975), te naložiti brisanje ovog društva iz sudskog registra.

O b r a z l o ž e n j e

Rješenjem ovog suda broj 43 0 L 211910 22 L od 30.08.2022. godine određeno je provođenje likvidacionog postupka nad subjektom Proizvodno-trgovinsko i uslužno društvo „DAR PRIRODE“ d.o.o. Zenica, a za likvidatora je imenovana Mehičić Diana.

Na ročištu za zaključenje likvidacionog postupka održanog 20.06.2023. godine utvrđeno je da se temeljem člana 9. stav 2. Zakona o likvidacionom postupku ispunjene pretpostavke za provođenje stečajnog postupka pa je likvidator Tošanović Vitomir, predložio da se pokrene stečajni postupak.

Na ročištu za ispitivanje uvjeta za otvaranje stečajnog postupka, likvidator je izjavio da je na ročištu za zaključenje likvidacionog postupka sudu predao izvještaj, kod kojeg je ostao u cjelosti. Ukupna vrijednost imovine prema Bilansu stanja od 31.12.2021. godine iznosila je 645,00 KM. Od toga na novac i novčani ekvivalenti se odnose na iznos od 91,00 KM i na poziciju akontacija poreza na dobit iznos od 554,00 KM. Iznos od 91,00 KM je utrošen na ime vođenja transakcijskog računa pri poslovnoj banci ovog društva. Stavka akontacije na porez na dobit koja se odnosi na iznos od 91,00 KM nema koordinate povrata iz razloga što se Rješenje o akontaciji Porezne Uprave donosi na osnovu završnog računa kod prethodne godine u IV mjesecu koji predstavlja sliku projektovane dobiti za proteklu godinu, što predstavlja da je u praksi jednostavno nula. U postupku likvidacije iskazani su troškovi u minimalnom iznosu od 656,00 KM koji se odnose na: 100,00 KM na taksu za prijavu za likvidaciju, 2,50 KM troškove plaćanja preko banaka ili pošte, minimalno 2x oglašavanje po 30,00 KM i 2,50 KM troškove plaćanja u banci ili pošti. Najveća stavka troškova u postupku likvidacije odnosi se na nagradu i troškove likvidatora u iznosu od 400,00 KM. U postupku likvidacije priznate su sve prijave potraživanja, izuzev

prijave Željezara „Zenica“ d.o.o. Zenica u stečaju, u ukupnom iznosu od 117.027,55 KM. Ističe da platežna nesposobnost društva u stvarnosti traje duže od dvije godine, a društvo ne samo da nema poslovnih aktivnosti duže od 60 dana, već nije u stanju izmirivati ni obaveze prema vjerovnicima.

Kako stečajni dužnik ima obaveze, a nema dovoljno imovine, pa ni za troškove stečajnog postupka, to je sud primjenom odredbe člana 102 st. 7 i 8. Zakona o stečaju („Službene novine F BiH”, broj: 53/21) pozvao povjerioci i zainteresirana lica da uplate predujam za obezbijedenje troškova stečajnog postupka. Visina troškova srazmjerno je određena troškovima stečajnog postupka koji su od strane likvidatora procijenjeni na iznos od 3.000,00 KM.

Slijedom navedenog odlučeno je kao u izreci ovog rješenja primjenom odredbe člana 196. st. 3 Zakona o stečaju, a ovim rješenjem povjerioci i zainteresirana lica su upozorena na posljedice propuštanja postupanja po pozivu ovog suda.

POUKA O PRAVNOM LIJEKU:
Protiv ovog rješenja nije
dozvoljena žalba.

STEČAJNI SUDIJA
Amela Sinanović